

童山詩集



童山詩集卷十六

綿州李調元雨村

甲午下

淘鵝謠并序

淘鵝其大如鵝能沉水取魚頤下有皮袋嘗盛  
水二升許以養魚每淘河一次可充數日之食  
亦呼水流鵝漁童謠云水流鵝莫淘河我魚少  
爾魚多操弓欲射汝奈汝會逃何嫌其詞但不  
足以風故爲易之

淘鵝淘鵝汝勿淘河我淘魚少汝淘魚多汝用皮袋我



用網羅網羅魚可漏皮袋魚難過可漏魚尚可難過魚  
奈何一枝竹弓一枝枉矢射殺淘鵝淘河應止

花燕 并序

粵城西南每夜有紫燕數萬巢荷花中謂之花  
燕花盡猶不去

花燕花燕汝胡卑不入百姓之家高不入烏衣之國就  
令朱門不可常巢於幕上爾亦得胡爲荷花深處藏貪  
花不解時炎涼一朝秋露紅衣落看爾雙飛何處著

青雛引 并序

青雛狀如鵠青色喜食橄欖劇者囹圄吞之內



爛乃吐其核宿則倒懸一足樹杪可弋得之亦  
有生於櫝 櫝林者故山歌云寧食我橄欖莫食  
我櫝 櫝其詞頗近樂府爲足成之

青離何處來食我橄欖肉飽則吐其核宿則懸其尸  
寧食我橄欖莫食我櫝 櫝橄欖留與客櫝櫝留與郎

採珠曲

合浦遶洋皆蚌窟朝夕珠光孕明月每年秋夕曬珠時  
半天閃爍紅霞發珠有盈虛採戶知春來先賽白龍池  
目眩金銀島邊樹手拂珊瑚石上枝海底螺筐何處採  
藤條絲兼人髮纜翻濤慣與惡龍爭入窟寧辭巨魚咲



可憐性命繫縶繩得珠多寡仍無憑摘來驪頰兩三顆  
盡出鯨波幾萬層古時買珠賤如米今時珠貴乃無底  
天生長養須待時安得年年事淘洗當今聖王不寶  
珠屢却殊方貢獻圖但願法廉俱仰體神物不徒留海  
隅

沓潮歌

沓潮來沓潮去來如乘風去如雨與郎朝暮同沓潮不  
知郎船在何處虎頭門外波滔滔羊城門內信沉沉春  
汎冬汎尚有定惟有郎心無定心郎心不似潮儂心與  
潮赴與郎今往來但以潮爲度



浪花歌

搖槳過郎船滴水上郎身語郎勿相怪水是郎媒人

蕉布行

有客贈我布一筒光如漚麻色如棕霏如蟬翼微烟罩  
細比蠶絲薄霧籠廣州女兒蕉作布拔釵先買芭蕉樹  
穿來不見玉梭投挑去惟將金鍼度可憐手爪世間稀  
終歲成疋不下機餘紅猶作龍鬚席外處多傳蝶菊衣  
嗟爾小民錐刀末官廉豈有豪強奪自笑南來亦欠廉  
公然也受一端葛

廣州詠古四首



越王宮殿半摧殘  
甘菊芙蓉色尚丹  
歌舞闌前當日盛  
三千繡面聽呼鑾

訶林城內古浮屠  
智藥菩提好在無  
一片虞園荒草合  
牛羊暮上尉陀都

芳華故苑倚斜暉  
樹上鴛鴦不復聞  
惟有素馨花未變  
至今開遍美人墳

無人更舉顰頭會  
乞得菖蒲手自裁  
北望白雲山不斷  
更無仙跨五羊來

南海竹枝詞十首

南越炎方帶濕潮  
沁心日日食甘蕉  
階前龍眼誰遺核



過雨旋看長小曲

自是繁華地不同魚鱗萬戶海城中人家盡畜珊瑚鳥  
高挂闌干碧玉籠

人魚遇舶浪如雷風雨無端霧不開往往近城人共語  
昨宵海怪上潮來

白杭香氣滿磁甕斷斷靈芝手作羹聞道家家逢社日  
更將南燭煮青精

廣州夫娘高髻粧不戴素馨必瑞香見客纖纖紅指甲  
一方洋帕獻檳榔

粵人有夫之婦曰夫娘

櫻桃黃頰鮓尤美刮鏤鳴時雪片輕每到九江湖落後



南人頓頓食魚生

誰家心抱喜筵開迎得花公結綵來不識巫歌定誰勝  
隔簾催喚打糖梅

粵人謂新婦曰心袍

水乾水大水中居處處頭公兩婦夫見說一生舟裏活

尿哥背上背壺蘆

尿哥孩童也

奇珍大半出西洋番舶歸時亦置裝新出武彘茶百餅  
花邊錢滿十三行

樁收帆舉白龍洋拾得真珠不滿筐八月蓼花紅滿岸  
定知今歲得明璫

閩中和雷州司馬許石蘭

錢韻



自古知人則哲難休夸綵筆昔曾干五花繡就持鴛看  
九曲穿來作蟻觀雷奮龍門抽玉筍月明蚌腹孕珠官  
自漸此調不彈久恐有徽桐爨下殘

和龍門趙雪樵仍用前韻

嶺南叱馭不辭難忝作輪軒孰敢干風雨一天城郭動  
入聞日風雨終朝觀者如堵雲霞八月海潮觀休辜使者求賢意自  
是文人本分官今日菜根聊忍齧餘辛還有搗椒殘

連山李雲圃見和前韻再答

棘院秋炎欲避難樹陰多處倚闌干脫錐猶未囊中見  
立幟還同壁上觀陸氏門生新試士歐公詩友老都官



從前佳話非難繼，催校休辭滴漏殘。

監試澳門司馬宋天波有詩再用前韻

鎖院清嚴得友難，豈知老宿有方干。地來海表望洋歎，天共闌中坐井觀。我愧歐梅同試席，君當屈宋作衙官。行詩束筍都無味，滿案聊供噴飯殘。

和雷州司馬許石蘭題余華陰道詩韻

我昔騎驢華陰道，時十二月冰初冽。醉中戲作華山詩，白日蛟螭舞飛雪。當時意氣頗無人，振鷺自愛毛衣潔。君從何處得見來，往往舉誦佐杯啜。氣求有如石投水，道同又似車合轍。今年持節來海南，佐我玉尺皆賢哲。



新詩如湧錢塘潮知我淵源來自浙就中趙子和尤勇  
破費案頭烏玉玦天教同事豈非緣桂香滿望中秋月  
相勉五色母目迷莫使秋蟲苦幽咽

監臨大中丞定圃座師賜杏酪分送各房諸君同  
餉仍用石蘭元韻奉謝

今晨聞人捧銀瓶驚見玉膏澄液冽云是中丞之所賜  
傾來一椀胭脂雪皎皎冰壺照座寒垂垂鍾乳融盃深  
盥手再拜飽且慚佳味何忍獨飲啜監河原未乏升斗  
鮒魚何至呼涸轍況叨吾師厚惠願不有新詩豈曰哲

憶昔先君三入簾因得鸞鳳皆兩浙

先君三校浙闈如李祖惠馬重華陸



蘇王世維陳鼎  
汪治皆名士

其時賤子尚趨庭未得功名試璫玦以

此心凜黃髮式敢忘人在天香月勸君細細酌融霞絕  
勝粗糲哽兼咽

龍門趙雪樵仍用前韻有我未得見華陰詩聞似  
春筍酒清冽因並錄前詩相示

從來嗜好名酸醎蘭麝太芬桂太冽天台但賞赤城霞  
蜀人競說峨眉雪君欲知我華山詩大似西子蒙不潔  
可憐尚拘官家例不得助吟恣嚼噉月不得相邀  
胥抄恨無薛濤牋錄送尚憶秦關轍聚奎堂上人如雲  
謂我詩好似前哲君有西鄰謬見推一覽乃知詎在浙



易二房許君司  
馬石蘭杭州人  
簪纓詞藻並精麗  
雕琢瓊瑤映寶玦  
君詩快於蟾蜍奔  
我詩似竊嫦娥月  
夜闌不寐鐘自鳴  
已聽銅壺四更咽

謝中丞座師遠送州詩餽

餽饗未備事原輕  
乳餅頻叨座主情  
造自畢羅原各姓  
儉傳僕射早聞名  
桃花樣自中厨出  
菰葉珍從內使擎  
要問諸人誰最飽  
就中屬鑒老門生

謝中丞座師送羊桃

果自西洋至名桃  
以類求五稜形總  
肖三歛性能收瘴  
雨枝枝飽蠻烟顆  
顆浮似校殊碧玉  
如蠟比黃流來傍



重刊言集卷之十一  
春風座剛逢夜月遊曙同羊棗癖情異木瓜投半佐青蔬飯全輸白蜜羞荒莊還自愧飽食負恩優

趙雪樵有詩謝酒再用前韻

朶頤我亦餒糟難微祿何曾學作干科第由來天上足人材須向卷中觀逢杯便似逢佳友得卷真如得美官莫怪羽觴飛尚緩披沙剛是揀金殘

草榜初成觀封落卷箱有感而作示同事諸君

聚奎堂內卷初封共喜論文矢靖共難助棄餘猶有味驪珠探盡恐難逢從來撈月空盈手大抵奇雲必盪胸寄語諸公再披揀此中恐有暴腮龍



光孝寺南漢劉鋹鐵塔歌并序

塔上文云大漢皇帝以大寶十年丁卯歲勅有司用烏金鑄造千佛寶塔一所七層高二丈二尺以四月乾德節設齋慶讚謹記余覽之爲作歌

有客招余入光孝爲余指示金塗塔我疑此塔年與漢  
僧同云是五季劉鋹年間物其額七層高二丈四面捧  
出如束相各方鑄列僞臣名紫金魚袋紛相向當日中  
原風塵起粵南兔絲作天子玉堂珠殿坐蛟蜃白晝呷  
人以爲喜慙僚無知壽雉愁手足屠盡猶貪婪就中別



創官人法腐而後用真奇談菌坐宮中石仆地獸觸寢  
門真怪異奸忠不辨誰敢言禍福無憑盡祥瑞寶光流  
帳紫霞裾求仙求佛皈焚胡菩提貝葉日請讀刀山劍  
樹仍屠誅其時浮屠造何日鑄成知費幾州錢一朝浮  
海稻田來不救龍頭三廟滅暮暮朝朝內太師羅浮劍  
篆早先知不見相輪苦剝落但聽人言菩提樹

菩提樹歌

給孤獨園菩提樹訶林初值蕭梁年知是南來自西竺  
歲久合抱凌炎天枝幹糾纏鬚倒垂乳鶴一一盤主地  
雨露時滋鱗甲生雷霆日索魑魅避可憐嫩葉如桑條



五月初生二月凋浸去渣融比蟬翅剪來絲細薄皎綃  
我來樹下觀不足僧伽袖中出二束贈綿此似人情重  
鈔書正欲蠅頭錄日落不落風聲繁蘋婆蒲葵相翩翩  
命駕急歸歸已遠童顛猶望虞翻園

渡珠江大風雨

三聲礮車作萬里使人回是日風何驟連天雨不開馬  
人歸島去龍戶探蠔來爲謝羊城吏唯叨水一杯

佛山舟中贈劉約齋

濟

多技如君罕蠻方共識名堪與師郭璞卜筮友君平文  
與年俱老詩隨酒便成請看篋中集愧殺宿儒生



三水縣送王春甫

韓修

赴廣西提學之任二首

喜看西粵轉輪軒  
勅命遙頒自禁垣  
梅嶺已陪韓吏  
部桂林又送柳宗元  
同舟共濟難分手  
異道揚鑣欲贈  
言自古人才無論地  
相期培養在根源

同作南交二使臣  
同胞難及此情親  
無分主僕心皆契  
有介嫌疑話必伸  
今日胥江帆獨往  
何時燕市酒偕巡  
知君別我應惆悵  
夜泊仙舟少一鄰

重過飛來寺訪懷遠長老飯罷留詩志別六首

平生酷有遊山癖  
重到飛來勇自登山鳥  
要知來客意  
白雲深處訪高僧



高僧迎見意欣然引上危樓話夙緣苦道卧仙巖上好  
手扶壽木引飛泉

飛泉百丈下高岑屏立森森樹木深笑語老僧耐幽獨  
潺湲夜夜有鳴琴

鳴琴非水亦非山尚許閑人共在還半日清音樓上話  
不知天上是人間

人間泥瓜似飛鴻日日紅塵兩復東我是前生老雲衲  
見山便欲住山中

山中清景苦難留秀色憑將筆底收飯罷伊蒲欲歸去  
白雲相憶兩悠悠



望英州南山

我向英州來忽見潑墨畫隄傾萬斛濃淡供揮灑模  
糊山椒剝拖邇丁畔解如龍睛方點似虎蹄可戒或貌  
僧禿髮或如人跪拜其巔更精絕如與美人對螺黛掃  
初成半月乍吐朏遠望固未實舟近訝乃怪頑然一石  
峯始知非藻績造物工鐫削雲氣又難對安得大米筆  
寫此形面背

龍頭影

好山亦多名未見錫以影况聞龍頭上尺木形便饒有  
之則飛天豈戀水清冷如何瀕江邊惡狀怒相曠或疑



夏劉果潛海所遺輓又疑朱傅漫伎成於此逞不然今  
年秋龍門爭脫穎魚躍不得登曝腮恨未屏由前猶未  
計後說我當省岸石何猗猗宛轉側小艇垂胡不可攀  
怒目光罔罔我從領下過採珠恐其醒不如且放舟北  
風來正猛

晚行曲江道中二首

秋浪一江急風帆半日懸波中先見塔城外盡臨川點  
點巖邊火依依野際烟心如南去水却坐北歸船  
暝色四邊至遙村一望銜嶺頭雖有驛江面不容帆石  
蟹全登岸珍禽半入巖夜來騷屑甚寒氣入涼衫



舟中晚興

漫說心如箭其如棹泊遲人喧上灘處鷗避下帆時路  
轉山猶見鐘鳴寺始知回頭語黃帽此地正宜詩

韶州登九成臺

掘衣而上九成臺浪簇魚鱗脚下開萬里蒼梧雲不斷  
兩江白浪雨飛來重華舊轍今安在仙樂遺音昔已灰  
空有坡翁銘石在壁間剝落半生苔

雄州晤張度西明府留飲觀劇作歌

憶昔論交金臺中一時詩酒皆豪雄興酣拔劍各起舞  
顛狂往往驚羣公當時意氣不輕許餘子碌碌非吾侶



可憐萬事竟無成白髮而今吾與汝君向青真翅偶垂  
我雖得意旋乖違彼此無能更相笑十年不調同嘲譏  
今年奉命過梅嶺行李往還擾君境萬里南來遇故人  
此行細想真微倖羶毼堂上聞雲和銅龍照吸金叵  
羅相逢百斗不成醉人間離別何其多君方在南我歸  
北均如繫匏不堪食殷勤相屬惟一言揚帆此去看風  
色

登八境臺用東坡韻八首呈虔州吳翥堂太守

城頭縹緲一飛樓暇日登臨散百憂八境清平渾無事  
廉泉今復見吳侯



星輪初自粵中還江上秋風剪剪寒此日登臨心轉急  
遙看直北是長安

鯉魚浪起雪成堆烟樹溟濛黯不開惟有白雲知我意  
崆峒山外忽飛來

菊花夜飲宿醒醒凌晨曉來觀眼界明章貢合流成顛字  
只應喚作字江亭

苾芻迎謁豈知禪一盞孤燈對佛然玉帶山門非敢客  
風流不占大蘇先

七閩五嶺在樓中四望全消霧靄濛連日北風何太猛  
順流今看一帆東



孤城折處好爲臺  
斬草鳩工逕始開  
又得月中披鶴氅  
乘風直可到蓬萊

人煙點點亂參差  
不上樓頭那得知  
黃口魚鱗足安早  
他年聊備采風詩

楊梅磯夜泊步月

使君貪利涉  
夜泊抵楊梅  
沙淨月爭明  
船輕風讓回  
攤錢商旅聚  
投火酒人來  
不寐情何限  
灘聲總似雷

過十八灘作

艤舟儲潭下  
榜人各相語  
此去十八灘  
計里不四五  
上有廣濟祠  
靈感動行旅  
聞之齋且沐  
淨以毛髮清  
醺歸舟



旂脚轉未敢久延佇開花捷如箭聲如四山雨怪石布  
成林鐔鏐拊作伍疾雷殷地來雪山巖乍觀孽龍深湧  
洞潛蛟肆吞吐而我過其間畧不費一櫓大哉神之功  
不讓古帝禹

顛石三百里一一水中走輪囷類千屈廉隅如兩剖縹  
若篆籀巧拙似筍蕨秀纍纍覆盆甕細細排瓦缶局殘  
碁未拾宴罷有待帚造化真兒戲搏擊與水鬪回觀兩  
山巔一石翻無有安得借巨靈剗却此一培塿行舟穩挂  
帆不受驚湍吼灘師聞此言愀面屢搔手苟無險可據  
何以覓升斗



十月初十月底萬安縣同年沈甘塘落亦於是日到任奉贈

一葦初杭十八灘故交聞道是新官昔年附驥心猶愧  
今日登龍興倍歡山水正宜君作主雨風偏與我爲難  
不才妄欲言爲贈萬事心安是萬安

題元立庭

克中

滇南立馬千山圖

我聞滇南山水天下雄一一蜿蜒如蛟龍就中碧雞最  
聳拔玻瓈倒影昆明中點蒼藏嶧飛天外亘三百里皆  
奇峯輝迦卓錫香岩表畫屏削出青芙蓉更聞撫仙湖  
畔岡千仞金蓮玉筍穿玲瓏波光樹影嵐霧裡古藤縈



瀟昏蒼穹其他蘭津烟蘿不勝數武陵路絕無人通不  
知我公立馬在何處但見萬壑雲氣相溟濛鎖橋嚙斷  
蛟螭口日月不到巖西東公獨一鞭麾絕壁飄飄衣袂  
凌天風雪花如掌馬頭落森森綠嶂開啼猿問公爾時  
何其勇要觀洱海扶幢幢遙知去天口一一握手摘星辰  
吞長虹故今吐出錦繡段仙氣直達紫雲宮讀公詩句  
見公畫乃知奇人必有奇地逢恨不當時共追逐生兩  
羽翼隨羣童至今漁樵尚稱說昔日本道者今日廬陵  
公

題朱海客携琴圖二絕句



蕉衫芒屨髮如絲想見科頭嘯傲時莫道相逢不相識

昨宵曾讀此翁詩

海客先以詩集見投

昔人五柳今三柳總是一般高士心更請畫師添箇石  
坐予溪畔聽彈琴

臨江江上短歌四首

與張度西九鉞同作

青山迤邐秋蕭颯四壁楓林作頰色斜陽欲下不下來  
野風吹墮棠梨赤周郎遺跡蔓草橫鐵池錯落土花生  
沉沙斷戟英雄恨付與歸鴉三兩聲

老魚脚尾沉江澍小魚淺濶浮淺渚何處伊鴉柔艫來  
萬點鳬鷺散寒雨三三兩兩艇相逐夜泊蘆花然苦竹



童山詩集卷十六

五

一聲欸乃四天空片月浮江遠峯綠

長風夜吹青玉裂五嶺梅花瀉香雪壁嵌空天鳥雀巢  
潭沉斜日鼃鼃宅白雲蓬蓬不作雨碣岸春濤靜吞吐  
誰歌水調櫓飛來剪破練江水一縷

長江江水平如砥江上長林低映水花村板屋一千家  
盡在參差素烟裏蒲帆裊裊濕雲白玉筍東峯鐘響隔  
三洲杳靄何處尋浦外鷓鴣愁遠客

過虎溪

漸失水潏潏松風又一灣試從高處望滿眼是廬山

渡潯陽懷春甫



秋在蒹葭末臨江倍覺涼夜來君識否風雨渡潯陽

懷黃梅令曹秋浦兼寄廣西學使王春甫

七夕蒲亭有所思曾將銀字押成詩瘴江孤客腸空斷  
明月何曾似昔時

豐城縣阻風舍舟由陸至南昌

舍舟從覓路行李又匆匆不夜江邊月非花岸上楓穿  
林驚吠犬喚渡見歸鴻捷徑非無意連朝阻北風

題新建明府琪園弟

鐸明湖攬翠園圖爲同年王蓮心作

我在滕王閣不作滕王詩滕王山水雖云勝惜無子安  
絕妙之好辭忽思家太史筆力頗似之割新建雞志不



展大明湖畔歌驪駒倩王舍人寫一角髣髴春水含風  
漪湖光雖好歸何日只恐萬姓留旌旗難見如天闕如  
鬼昨日始得談襟期肆筵半夜爲我設賭酒徵歌無不  
爲可憐吐句尚如昔氣槩直欲吞鯨鯢銅龍蠟盡興未  
盡竟欲老兄暨降旗笑謂琪園汝何痴古人作吏此事  
廢縱有文采誰復知不如且韜螭頭筆濡染丹鉛批判  
詞今晨送我來忽又別我去遺下攬翠圖要我題新句  
前有沈初董誥韋謙恒褚超昔本同年一巢聚今觀  
其詞如大楚勁敵使我不能語急捲還君渡江去此後相  
思暮雲樹



謁包孝肅祠

合肥縣城南

孝肅祠堂古猶餘待制名片言能獄折一笑比河清無  
子寧邀福非孫不入塋閭羅今在上關節到應驚

梁縣鮑明遠讀書臺見題詩甚夥戲題一絕

讀書臺畔日初曛細草幽花滿徑薰任是何人詩在壁  
自然俊逸讓參軍

和安南使臣阮輝傑題壁詩二首

甲午秋奉

命典試粵東道過恩縣見壁上

絕云仲春烟景柳絲斜宵雅三章荷拜嘉舜目  
重瞳瞻舞罷周原穩駕指南車後署云乾隆丁



亥年二月二十五日回程作安南探花阮輝僅  
題後又過涿州店壁復有題詩云遠捧芝輪萬  
里回煙雲遠向馬頭開客囊衣在縫仍密帶得  
平安兩字來後亦署輝僅回程作蓋亦丁亥同  
時事也我朝文教遠被屬國皆然因爲和之  
詩題驛壁字欹斜韻事南康兩可嘉試問春風  
南北客交關可是續來車  
秋風銀漢使查回五嶺天高瘴霧開欲識  
遠試看白雉越裳來

題湯辛齋

中  
粵東記程



國經何必借端公如指螺紋展卷中自笑往來牛跡迹  
誰分順逆馬趨風較量日月爭先後推算陰晴各異同  
此是南交問津處不知三載又誰東

奉和舍人顧星橋

宗泰

見題粵東皇華集元韻

無病而呻譏自古四百篇詩出使臣細嚼梅花君定笑  
何曾偷得嶺南春

集中樂府定如何黃木灣前畫舸多誰使珠娘隔珠水  
月明長聽摸魚歌

水經三峽照人清仙侶同舟倍有情記得聯吟宿中宿

蜀聲畢竟遜吳聲

謂青陽王  
春甫也



江南詩老不輕夸品隋居然比大家他日停雲倘相憶  
也應剪取海東霞

君有停雲集若十卷皆富  
今名宿子詩亦罕選中

附原作

中書  
顧宗泰景微

羅江才子今詞客玉署仙郎作使臣花滿越王臺畔  
路一編收拾五羊春

七十二峯何處好白雲山外白雲多瓊杯如海看朝  
日榕樹陰中發浩歌

校士餘閒寄古情珠州翠浦晚風清豔歌小作琵琶

怨子夜猶傳樂府聲

集中小樂  
府最工

嶽轉湘飛未許夸番禺不數舊三家鷓鴣嶺接梅花



嶺清麗詩情似斷霞

附試帖二首

賦得善人爲寶

符良字

考美御試

至寶何爲貴 皇朝善是彰  
秉彝天錫福和氣地鍾祥  
漸見餘家慶驚看入室光  
當年差迹踐此日喜旌揚  
南國人堪憶東平語不忘  
沾之吾待價器也汝爲良  
稼穡符今瑞芝蘭襲古香  
磨礱邀睿鑒特達重珪璋

賦得百川學海

得宗字

齊國擬程

法言於水鑒一脈仰儒宗  
忽動臨川歎還尋導海踪  
淵源歸上善派衍述中庸  
禮若侯朝夏書同史足冬  
篆文



虛想像

陸放翁詩寥落寒江學策文

巴字妙形容

唐詩巴江字疏

功退焉

能測資深自可逢易云盈坎吉詩曰溯洄從之際澄清

日羣沾

聖澤

曲



童山詩集卷十七

綿州李調元甫村

乙未

二月十二日顧星橋

宗泰

問疾山夢樓師詩見示

並乞觀余悼亡詩

積困身慵藥裹前松風誰共乳花圓忽逢風雨三年友  
來話春寒二月天袖裏新詩元白體篋中舊恨阮劉緣  
君看續後看雲集半是姮娥血淚煎

憑君莫話昔時遊每歎師門十日留豪俠欲爭劉毅筆  
神仙不讓李膺舟自攀薊北垂楊路常夢江南杜若洲



今日程門雖遠隔還如立雪傍簾鈞

觀鐵公子草書歌

爲治亭作

今晨出遊苦寂寞看花城西花已落忽思公子城南隅  
敲門驚起兩赤脚揭簾瞥見隴廩殘拌壁新書墨未乾  
渴馬奔河紙尚動驚蛇入草形初蟠回看主人冠不著  
昂首解衣正磅礴見客無言據胡床墨氣熏人猶噴薄  
君家富貴多琳瑯宜州石硯紫毫芒便乞爲予揮一紙  
飄風驟雨來空堂天爲模糊雲爲立腕下啾啾聞虜泣  
令人却憶淳化年登登搗本如初濕須臾挽罷千鈞弩  
不是如龍定如虎袖手旁觀膽爲寒恐有龍嶺出阿堵



先生姓鐵筆亦鐵鐵猶可折筆難折書成  
始云禮豈我輩設再請觀君詩百篇奇氣  
錦囊偷得長舌舞劍寧許張顛傳世人知  
此今鮮矣我亦自負頗不鄙勸君非我勿  
輕與每遇花時乞一紙

贈趙瑞星

讀君文似馬定遇九方知笑我詩如蚓  
應衆一竅譏亦花龍虎榜芍藥鳳凰池  
看爾沙隄上春風得意時

題水部戴蕨塘璠晴川曉渡圖

我昔少年之楚遊直同江水送江流  
細雨初停白雀舫秋風獨上黃鶴樓  
今君亦向楚江駐津亭還記舊遊處



神仙爭美李膺舟畫手偏工米顛樹我亦同時之嶺南  
行車苦恨不同驂武昌魚好應相憶合浦珠還較似貧  
幾行鵷鷺歸仙署鸚鵡洲前想迴翥至今沙上喚船人  
猶說使星從此去

借編修周東房

興寧周東房

輪檢

詩工士會

汝嘉

月夜

集唐鴛鴦港

樂宇

東絡山房賞海棠

山房鄧大廷尉  
遜齋舊宅也

海棠一樹倚東牆待我來看月色光怪道席皆無異客  
須知花亦是同鄉蕉牕四面饒書氣苔砌三層落瓣香  
却憶去年老廷尉歸衙朱履正盈堂

送及門郭書城

雄圖

解元下第

歸粵卽用見和元



韻

高踞巍科一榜顛孫山偶落豈與天巾車載道思君後  
衣鉢揮毫對客前老矣那堪息六月歸歟休悵隔三年  
但教豪氣依然在看爾臚傳帶御烟

送同年八兄左翼

樹敢

之官陸川

八兄家住潼川東復東十年萬卷讀在胸對客論文氣  
如虎與我同作燒尾龍揭來謁選過文選適余承乏欣  
相見意氣直無百里侯高懷猶戀九重殿公餘相訪  
待御宅飲酒一斗復一石冷宦偏思北闕栖夜談不覺  
東方白今晨得官之陸川爲言官豈多得錢叱馭羊腸



古人有板輿封鮮胡不然我聞粵西山水甲寰宙詩才  
曾屈柳子厚象跡添晴地雖殊鵝毛禦臘俗未陋君其  
往哉無遲行蠻方指授須書生人生功名在晚達何必  
定卜巖君平

題康州李瑤圃

琪春園種蕉圖

時蒙之寧海

我昔與君俱壯歲翩翩公子守一藝春風長出綠玉芽  
人言並是佳子弟豈知遭遇臯魚同流落天涯嘆兩鴻  
風摧雨折勢不禁譬如蘭色凋青蔥竭來長鬚投冊子  
乃是人生行樂耳觀君此意真肯堂九畹樹之猶未已  
明當送君之牟平政聲亦如康山清要識種蘭先拔薤



看化鳴臬哺所生

七夕雨和蔡呂

橋曾源韻

漫向今宵話女牛雨多仙駕亦難遊  
人間拙似吾難化天上巧寧任汝求  
河漢葦行原舊渡梧桐葉落又新秋  
憑君莫話巫山夢恐動深閨少婦愁

清河遇考功景李門

江錦

歇馬河橋第一程得朋真慰出門情  
雨多鷺序雙雙立烟聚蟬聲嘒嘒鳴  
地近西山迎爽氣人來北口報新晴  
九衢車馬喧闐久好對滄浪共濯纓

宿石槽村農家和景李門韻二首



水涸趨程易孤村問宿難牛闌見燈火馬磨出盤餐舊  
種黍初穫新泥壁未乾微聞田婦語兒睡勿驚官  
十畝旣無曠三秋兼有年籬懸瓜蔓露屋老豆稭烟白  
日暄常負紅塵夢不牽莫嫌編戶小風雨亦安眠

登密雲城樓二首

飛樓立處兩崇墉第一巖疆此要衝拔地風聲來上黨  
攢天雪色射居庸萬峯北向星環拱一水東趨雨挾從  
烟火只今通徼外笑他吟域昔年封

愴悼檀城又一過餘生空付蓼蒿歌河聲恨入風聲遠  
山色愁兼雨色多猶有童謡思郭伋更無辨客識隨何



不堪城下憑車望在 城堞連年已長莎

酬鐵冶亭保

諸葛真名士綸巾坐小輿來從三角店卧看一車書行  
李虛隨僕投桃實起予長途欣得侶不必賦離居

路遇隨園諸友

夜過雙堠曉歷短長亭塞月無窮白邊雲不斷青馬  
敲山下鐙犬帶草間鈴講武高秋罷燕然看勒銘

石匣營

不見金溝館空餘石匣營溪流多見石路轉忽逢城棗  
熟婦歡色未收鳥噪聲今朝沙土軟得得馬蹄輕



南天門

令晨愁稀黃四山雲霏對蟻徑沿曲折雉堞雜明晦及  
登南天門旭日上峯背長劍忽倚天劃出燕雲界邊城  
如長蛇各各踣九塞及此更盤蜒爭闔一門內我身如  
虛空胸中寡帶芥捫天不二尺玩此星斗碎回頭望祝  
融歛吸見紫蓋得無駕朱鳥來與北辰會便與驂翱翔  
埃壒不可載群仙失靈旗闐闐昧所在惟餘雄風來倚  
檻一稱快

古北口二首

天闕崔巍重北門鳥九地勢接崑崙風高萬壑龍蛇動



雲鎖千峯虎豹屯自古三邊時有戍只今九塞更無垣  
微官此日趨行在真見星環北極尊

邊城百折繞峯巔眼底層巒集馬前東抱陪京雲到地  
北連瀚海勢兼天秋高牛馬千群霧日落貔貅萬竈烟  
四十九藩何處是茫茫月竈總無邊

柳林

邊牆圉不住一徑出關門山合疑無路溪回別有村  
露花紅朶朶烟柳綠根根誰畫峯巒好還愁費墨痕

巴克什營

破屋見星斗今宵愁奈何風黃虺語近月黑虎聲多



志年年老微驪處處過邊沙堆兩鬢終不感蹉跎

青石梁

閒官苦不閒愛此出門爽青山供嘯詠不暇嘆鞅掌搗  
朝陟嶺來始覺失平厰石經萬古鑿泉通隔山響人驚  
蛇倒退客怪馬不上日出天愈高雲崩人護顙何處問  
解鞍馬圈或可仿且復慰旅懷解囊得村釀

喀喇河屯

今爲濛平縣

雨久濛河足雲開戍卒屯天增今日關河減去年浪秋  
草馬鳴地夕陽雞散村飯餘自捫腹深荷主人恩

黃甲營



漸近邊沙地衣裘薄體涼樹聲風浩浩山色月蒼蒼寒  
逼駝生毳人追箭退香不因村醪醺竟夕總徬徨

宿觀音寺

村落徑三曲人家房兩間好雲多在樹斜日半吞山偶  
遇僧歸寺時聞虎守關幽棲者誰子倚杖聽潺潺

偉榆溝

鑿開小徑僅車容百折垂厓不計重黃葉初辭三兩樹  
白雲已露萬千峰泉歎石吟龍難上路轉山腰鳥易逢  
今夜欲謀佳處宿前村却少道旁農

新開嶺



何年鑿石開崢嶸老樹懸厓半火耕風擺松聲松鼠落  
雨搖竹影竹雞鳴同來喜得鷄行伴異地愁同鳥道行  
莫厭地寒沙撲面 巡輿過處萬人迎

芹菜嶺

好山多透迤好水多漫衍譬如蘊藉人奇才不自展逮  
其遭凌厲圭角乃微顯茲嶺未著名芹菜見亦鮮草木  
如歲難遂使知者罕涼秋木葉凋瀑盡潦歸澗忽露骨  
堅瘦始覺水清淺巧石見鬼工玲瓏出天剗虬松不數  
株一二棟梁選乃知荆榛中未可概失揀平生愛奇峭  
半誤險與匾從今出門遊記取踏平坦



懷柔縣望黍谷山

蒼翠微嵐一抹收風烟三輔接  
皇州天連白水平沙磧地近黃花古戍樓  
野渡無船波漫漫寒山有吹黍油  
油還聞父老田邊說每歲常逢御輦留

古北口雜詩四首

俗異沙陀部風同勅勒川雙鵬雲外落一騎日邊旋  
黑粘衣雨沙黃燒野煙行人愁佇立遠樹極遙天  
聞說窮荒外民風與古侔醜顏傾馬酒蓬首著駝裘  
日邊雲起時時塞雨收居人談水土怪絕遠人遊  
蕭條愁地遠廊落渺天涯六月竟無暑三春少有花  
沙



愁霜不殺山杏夜含葩牛馬如雲處依稀各部家  
自古爭邊險於今解甲兵烽平都護府月上可敦城象  
膽因時轉駝聲到夜鳴况兼饒畜牧好自勉農耕

謁許忠愍公祠

并序

公諱直字若魯如臯人明崇正七年進士出文  
震孟門以名節自砥任義烏令清操觸然丁母  
艱哀毀骨立服闋補惠來令以清望徵吏部文  
選主事進考功員外郎賊薄都城約同官出貲  
饗士爲死守計城陷賊令百官報名公曰身可  
殺志不可奪堅不赴有傳帝南狩者公將往見



賊騎塞道出門輒返曰四面兵戈相逼焉往國亂  
不匡君危無濟惟死而已已知帝崩一慟幾絕  
客以七十老父爲解公曰不死辱及所生乃作  
書寄父賦絕命詩六章其一云投筆翻然辭世  
行乞親幼子隔幽明丹心未雪生前恨青簡空  
留身後名遂閉目自縊死同時殉節者自吳橋  
范公景文以下共二十人入 本朝俱得賜諡  
公諡忠愍相傳文選司堂後冊庫左側小屋卽  
公投綬處歷年封固不啟歲久屋漸頽今歲大  
冢宰武巡相國請修葺衙署並祠宇新之匝月



落成因祭展誦賦詩以記

嗚呼甲申變流寇如蟻織臣皆亡國臣束手竟無策遂  
令金甌破天王殉社稷公時掌南宮案牘勅書追推牛  
誓登陣死守期困賊女牆皆中官上城上不得相傳帝  
南巡恨不生兩翼出門復入門轟轟砲聲擊四面皆兵  
戈車駕將焉適忽聞天地崩血淚如雨滴危亂不匡濟  
活此身何益一慟拜老父肯書別家宅不死辱及生詩  
成淚嗚咽回望迎賊輩報名何絡繹匹夫自有志肯以  
三公易閉門正衣冠願從文信國哀哉竟成仁凛凛九  
泉碧嗟公本孤介如皐傳世德起家自縣令清風絕貪



墨及茲竟捐軀始終一心志  
同吳橋公廿人烟史冊  
我朝錫嘉謚遺祠護解側  
拜見靈旗銓曹主氣色雨  
楹久傾頽古樹穿屋壁  
今年換衙署得諸家宰力  
令司董丹藏旌額加整飭  
以此安神居君煮蒿歲不  
以吁嗟後來人萬古起憑式

再弔許忠愍公二首

慟哭天崩鼎鑊甘攀髯無地挽龍驂  
已聞賊騎爭趨北豈有鑿車尚待南  
國亂不匡誰所誤君危無濟自加慙  
丹心一自黃泉照冰鏡於今影尚涵

倉皇閉戶泣斜曛絕命辭哀不忍聞  
正恐偷生羞老父



敢言拚死報明君心悲誤國東林黨眼斷勤王北闕軍  
誰把孤忠殉茲土千秋祭掃當公墳

飲鐵冶亭保家

有客能如此風流復在茲文章欣有託意氣竟無疑日  
落鴉飛急天寒雪落遲不須投轄飲隨意倒餘卮

乞臘肉寄檢討王云會

肉食從來鄙偏於臘不然色經三伏後味想五年前搜  
篋余何敢分甘古所賢休文今瘦甚莫惜一豚肩

長至齋宿銓曹大有雪意同韓考功開雲

朝衡王

司勳鎮之

汝璧作



星火傳呼下漏時  
銓曹趨宿我偏遲  
日邊冬至千班集  
天上春回一線移  
晚達情懷羸馬共  
早朝滋味曙鴉知  
明朝鵲立宮門外  
誰唱唐人賈至詩

齋宿次日微雪再和前韻

紛紛雪落直衙時  
案牘毋妨吏去遲  
靜愧王戎才不滯  
遠思毛玠俗能移  
人衝柳絮帽簷覺  
天冷梅花布被知  
今夕冰廳清似水  
不談風月只談詩

長至齋宿用齋字韻四首

剛辰將屆禮宜齋  
護駕先聞選摘差  
魚鑰下時人直署  
鷄籌唱後吏橫鉞  
晷將添綫吹葭管  
雲欲飛灰落豆



稽此夜菜根充一飽莫將珍味怨無腴

連宵襖被共吾儕夜話居然似冷齋老去功名思拊髀  
狂來爾我欲忘骸霜催鐘響先宮箭風送琴聲出省槐  
最是玉堂人未寐署門竟夕自常關

萬國經心厯 聖齋先期出 禁撤珍鮓雪移壁壘屯

關虎星落欖槍捕井蛙

蘇東坡郊祀慶成詩西極落樓  
禡時王師平金川指日奏凱

故已見紅旗來玉壘早聞白象款珠厓明朝定見一天

顏喜雨露歡聲到海涯

鴛班自笑獨凌梢幸借同寮得劇挨香氣坐餘消篆鴨  
燭烟談久鼻盤蝸宦情易羨鷺遷谷野性難爭雀化淮